



夢梁錄卷九

司馬明師國朝
而講崇心學
善德尚樓尚
錢塘

吳自牧

著

三省樞使諫官

三省卽尚書省中書省門下省樞密院國初循唐舊制
置院于中省之北今在都堂東上爲樞屬列曹之所蓋
樞密使率以宰臣兼領自知院以下皆聚于都堂治事
省院在和寧門北首舊福寧寺也樞密院後建經武閣
係藏經武要畧之文中省門下後省在都堂後諫院在
後省之西檢正左右司在諫院之右向東承旨檢詳編
脩在樞密院三省樞密院監門大門之南三省樞密院

夢梁錄卷九

架閣在制勅院後御史臺在清河坊內北向蓋取嚴肅
之義內有朝堂卽臺廳也自紹興來未嘗置對有屬臺
臣獻問則刑察就聽于大理寺問罪矣

六部

六部在三省樞密院之南部之中堂名曰論思獻納之
堂 吏部掌天官依唐制以文武有官人分左右銓選
名之尚左尚右侍左侍右司封司勳考功凡七司以掌
文武注授到部推賞等事 戶部名爲地官又稱民部

掌天下州郡財賦得財用耗而復衍倉廩虛而復實之事 禮部謂之春官掌禮儀討論典故講習典禮大朝聘禮慶賀朝儀生辰聖節元旦冬至朝會郊祀明堂合祀天地祖宗典策秋享祭祀社稷封賜祀典祠廟功臣勲烈配享及賜家廟祭器等事 兵部謂之夏官掌兵伍廂軍武舉投試武藝金吾街仗人司兵及大將出征告廟破賊露布鹵簿字圖若番夷屬戶授官封爵等事及天下地圖堡寨烽堠番夷歸服內附皆掌之又稱駕部掌輦輅車乘廢牧雜畜乘具傳驛之政令辨其出入

夢梁錄卷九

二

之數再名庫部掌軍器儀仗鹵簿法式隨軍攻城什物及供帳之事是爲四司主掌也 刑部謂之秋官掌邦典之重輕民訟之疑惑重刑之出入官僚之憲獄皆主之蓋民不問大小生死事體所係四方訟刑得其平直發于天庭以稱其職唐制刑部分爲四司曰刑部曰都官曰比部曰司門是也 工部謂之冬官掌工役程式及天下屯田文武官職田京都衢關苑囿山澤草木畝獵漁捕運漕碾磴之事唐制名爲四司曰工部曰屯田曰虞部曰水部一皆所總也

六部監門

六部監門在六部大門之左凡所掌之事隸于六部部門受其出入之時以聽上稽訪門之司存蓋至是而愈重矣奉行列曹之命以正胥吏之失贊長貳之懲決以遵長官之意耳 六部架閣其庫在天水院橋掌六曹之文書主二十四司之案牘故官置庫掌其架閣皆無失誤矣

諸寺

太常寺在羅漢洞掌奉常禮儀討論典故祭器太常樂

夢梁錄卷九

三

器等事寺內有昭勲崇德閣閣上繪像文武功勲大臣自忠獻趙韓王普以下二十五人于其上也 宗正寺玉牒所在太廟南玉牒建局以宰臣提舉從官兼脩撰宗正卿少以下悉預脩宗藩慶系錄仙源積慶圖等書檢討官亦以他職兼耳 大理寺在仁和縣西設卿少丞簿評事司直之官及治獄都轄推吏等家屬皆居于寺內以嚴出入之禁掌朝廷刑棘廷尉之職按法斷刑治獄推劾等事 司農寺在保民坊內國制以戶部掌國計而司農列卿少丞簿贊之如諸州府縣道每年上

供及宰執百官軍糧宜限米斛皆委專官吏卒下各路州縣坐徵以應宣限支用也 太府寺在保民坊內係周官職總局二十有四如諸軍諸司糧審四院左藏二庫買務賣場及編奎兩司和劑惠民四局祇候鈔引院皆屬掌矣

祕書省 國史劄令附

祕書省在天井坊之左東都建于禁中紹興閒以殿司寨基建省有殿扁曰右文之殿祕閣在殿後專奉御書製書畫古器等兩廡列累朝制書石刻國史實錄院在

夢梁錄卷九

四

殿東提舉官閣在殿西道山堂在閣後東西二閣監少之位丞簿館職閣列于兩廡堂之前著作之庭在堂後有小軒置石刻東坡畫竹于中西有四閣著作著佐之位國史日歷所在著作庭東廡有汗青軒編纂會要所在著作庭西廡日歷會要庫經史諸子書籍庫共七庫俱列于殿外東西兩廡書列庫在著作庭之右後圃有羣玉堂以東坡畫竹真蹟爲屏有蓬萊亭前爲鑿池度以石橋池上疊石爲山又有亭者六扁曰芸香席珍方壺含章茹芝繹志次有射圃矣含章亭後有渾儀基乃太史

推占星象之用也勅令所在侍郎橋南專爲詳定編脩諸司勅令蓋謹法度廣賢才耳

諸監

國子監在紀家橋大學之側設祭酒司業丞簿等官專掌天子之學校訓導生員之職總掌國子太學事務生員出入規矩考課試遵訓導天子視學皇太子齒門則講議釋奠等禮也監廳繪魯國圖東西爲丞簿位後有書庫官位中爲堂繪三禮圖于壁用至道故事有圃亭扁曰芳潤丞錢闕詩扁以隸古書板庫在中門內將

夢梁錄卷九

五

作監在保民坊設監少丞簿掌計料監造官司營房舍屋皆隸焉蓋漢制將作大匠沿襲秦宮亦少皞氏以五雉爲五工正以利器用唐虞共工周官考工之職也軍器監在保民坊監有長貳丞簿之官率屬治與唐六典建官不殊掌製造御前軍器別置提舉提轄等官池其役近年專委殿巖而監製本監益以省也

大宗正司

大宗正司在天慶坊內以魏憲惠王府舊址築之掌親屬宗廟之事自漢魏隋唐迄于宋因而不改以皇族官

高有德望者領之又以本族尊屬爲判本司又增同
以爲之輔宗司有閣扁曰屬籍之閣予以見宗屬蕃
大而巳

省所

茶鹽所會子所公田所封椿安邊所並在三省大門內
職以都司官兼提領舊有安邊所創于嘉定初專充拘
推簿錄家產更有市權所牙契所因吏胥蠹弊走卒
繁擾遂廢其名撥入封椿所以併掌之今又創市舶所
官府察見吏姦亦行省罷矣

夢梁錄卷九

六院四轄

登聞檢院鼓院始建于和寧繼移于麗正左右闕庭庭
亭之南左檢院右鼓院按唐舊制設四廳以通下情名
曰崇仁司諫申明招賢遵禮以使四方賢才便其上達
都進奏院在朝天門外掌邦國傳送之事以鈐轄諸
道傳遞官兵則周官行夫其職也 官告院在部門之
北士大夫自一命以上至於公卿王爵軍卒一資以上
至於節鉞告命皆隸院給之如文則吏部武則兵部宗
戚及命婦司封屬之考校勳績司勳掌之凡四司皆集

本部出詔耳元豐改制俱悉吏部行文武告命鈔而蕃
官隸兵部自後皆歸吏部右選 文思院在北橋東京
都舊制監官分兩界曰上界造入 銀珠玉曰下界造銅
鐵竹木雜料然兩界監官廨舍毋得近本院鄰牆並壁
居所以防弊欺也但金銀犀玉工巧之制綜繪裝鈿之
飾若輿輦法物器具等皆隸焉 諸司諸軍糧料院在
洋沙坑七官宅廢屋諸司諸軍察計院在保民坊內舊
馬軍教場基置院且如糧料院者乃諸司諸軍仰土之
祿均也尤不可不嚴設官置吏欲其專心致意支撥無

夢梁錄卷九

七

差失 審計院者自官祭朝廷百僚以下至于內侍御
士及于諸軍兵卒凡賦祿者以式法審其名數而其辟
召者惟郊祀賜緡已乃審祿有疑予則詔以法凡四方
之計籍土于大農則逆其會凡有司議調度會賦出則
誅焉 權貨務都茶場通在橋東蓋國初循唐制舊以
九路之漕自達于淮去則貨余回則轉鹽諸路畱而庾
之官納鈔引以便商賈但鈔引之法通行則設官專職
主之課衍事繁官曹之選于斯重矣 雜買務雜賣場
在權貨務內唐制謂之

爲市買司太平興國

年方更名雜買務奉禁中買賣而平其直南渡後合局
于此凡宮禁月料朝省紙劄文思製造和劑脩合封樁
所積編估以時其直打套以籍其數而就筭焉又置排
轄以總其務耳 左藏庫有東西二庫在清湖橋又韓
蕲王所獻賜第基建庫東庫則掌幣帛絕絀之屬西庫
則掌金銀泉券絲續之屬蓋朝廷用度多靡于贍兵蜀
湖之餉江淮之賦則歸于四總領餉諸屯軍則東西兩
庫歲入捐計者率百四十萬以_計訂之率一千萬給遣
大軍居什之七宮禁百司祿賜_三有非泛浩繁之費

夢梁錄卷九

八

則請于朝往往出內帑樁以補其闕耳 封樁上庫在
三省大門內封樁下庫在左藏 中門安邊太平庫在
下庫南蓋封樁上庫肇于孝廟之時以備緩急支撥又
徙戶部錢物隸本所則有上下庫之別上庫窠名_之
折帛總制增鹽三分鹽袋增_以不挑_也 使下庫窠名_之
者曰煮酒酒息_也 鹽場蘆柴坍江江沙田額五釐關
子爲數五駁戶_上又移緩弊_多言郡綱額_虧數甚矣
哉

殿前司在鳳凰山八盤嶺中置衙有御書閣凝香室整暇堂山之上爲月巖有亭扁曰延桂最高處曰介亭崖石嶙峋亭之後爲冲天樓極高江海湖山奇偉之觀侍衛馬軍司移屯建康以行司邊帥兼領元有帥衙在保民坊內改爲寺監公宇 侍衛步軍司在鐵冶嶺西街有御書閣湖山堂錦繡樓相公井

閣職

閣門在和寧門外掌朝參朝賀上殿到班官等儀範上有知閣簿書宣贊及閣門祇候寄班等官 四方客省

夢梁錄卷九

九

館在東華門北客省者掌收接聖節建奉香及郊外國使人往來接伴之禮 四方館者掌收接訖州府郡朔望正冬賀表及大禮賀表等事 御前忠佐軍頭引見司在文思院後有內等子營以正廳知閣提點幕官以大使臣爲幹辦司官

監當諸局

車輅院在嘉會門外置庫安玉輅及平等車 製造御前軍器所在禮部貢院之西改隸殿司所管工役每季所製器納內庫萬全三指揮東西作兩營在所之東北

編估打套局在左藏庫門內 惠民利劑局在太府寺
內之右製藥以給惠民局合暑臘藥以備宣賜 太平
惠民局置五局以藏熟藥價貨以惠民也南局在三省
前西局衆安橋北北局市西坊南南外局浙江亭北外
二局以北郭稅務兼領惠民藥局收贖 草料場在天
水院橋西有駁十眼受畿內所輸稻麥豆以給騏驎
御馬二院及宰執三衙之馬 合同場在軍橋之下
掌茶鹽鈔引合同 會子庫在權貨務置錄都茶場悉
視川錢法行之以務門兼職以都司官提領日以工匠
二百有四人以取於左帑而印會歸庫矣 造會紙局
在赤山湖濱先造於徽城次成都以蜀紙起解後因路
遠而弗給詔杭州置局於九曲池遂徙於今安溪亦有
局仍委都司官屬提領但工役經定頃見役者日以一
千二百人耳 交引庫在太府寺門外專印造茶鹽鈔
引遂請丞蒲僉押 法物庫在梅家橋北掌祭祀法服
朝服冠珮帶舄及大禮明禮旗幟衫袍等內侍領其職
度牒庫在油車巷掌僧道二流承恩勅牒 市舶務在保
安門外瓶場河下凡海南自外至杭受其券而考驗之又

有新務在梅家橋北 司農排岸司在前洋街掌拘卸
諸州郡宣限綱運檢察搜空而繫其不登數者 三省
樞密院激賞錢庫在俞家園激賞酒庫在錢塘縣南
左右騏驎二院在漾沙坑兩院以馬二十四匹爲額每
月朝參各院以御馬三匹至和寧門立千南向朝罷回
院 象院在嘉會門外御馬院養餵安南王貢至象三
綦 左右騎御直在七官宅山上 左右教騎營在麗
正門左右御馬院使臣營在嘉會門外 牛羊司在權
貨務後掌御膳及祭之牲有滌官在六和塔之南

夢梁錄卷九

十一

諸倉

省倉上界在天水院橋北其廩有八眼受納浙右米以
充上貢及宰執百官親王宗室內侍仍支給玉城班直
省部職員 省倉中界在東青門外菜市塘有廩三十
七眼皆受納浙右苗綱經常和糴公田椿積等米以供
朝家科支農寺宣限凡諸軍諸司三學及百司顧券諸
局工役等人皆給焉 省倉下界在東倉鋪棚于舊址
極廣袤朝家更脩乃折三之二建廩廳八十眼 豐儲
倉在仁和縣側倉橋東以公田浩諭諸倉不足以受納

以豐儲增枋成厩百眼 豐儲西倉在餘杭門外佐家
橋北其厩一 八眼 端平倉在餘杭門外德勝橋東
元儲漕糴後歸農寺泄以京局官而頌之咸淳重脩有
本榭扁曰介然蓋取太倉箴語而并箴刻于石有厩五
十六眼 淳祐倉在餘杭門內斜橋南元枋以儲米糴
千帥司其後朝家撥支賑糴百姓自後付農寺以給諸
軍諸司有厩一 平糴倉在仙林寺東枋以儲臨
安米今農米皆入焉 咸淳倉在東青門內後軍寨北
議增建廩以儲 歲入之米買瓊垂發圃及以內酒

夢筆錄卷九

十二

庫柴炭屋掌于帥司建倉厩一百眼歲貯公田米六百
餘萬石凡諸倉支納下卸自有下卸指揮兵士遇月分
支遣皆至祇役文袋自有賃者應辦如見支界日倉前
成市水陸壅塞諸軍校給打諸糧不許顧人搬擔須親
于厩中肩出倉外此祖宗立法如此

內司官

內侍省知省都知御帶御藥苑使門司殿長閣長內轄
內監丞受隨都知下都監儀合上名扶持直掌權苑提
舉提轄御前諸宮觀提點皇城司御輦馬御馬院兼提

舉諸內司庫藏司所等處更有聽喚一百員團練四員
兩攢宮宮使隨父指教小直殿一百員內宮散祇候不
記多數各有所轄職名主管事務

內諸司 奉安

皇城司禁衛所符寶所主管大內鑰匙庫御藥院內東
門司內通進司御前軍器庫睿思殿庫內藏庫奉宸庫
內軍器庫南廊庫安放庫生料庫果子庫香藥庫進奉
庫殿中省後苑御膳所御廚六尚局翰林司儀鸞司八
作司脩內司御前內轄司東西庫南北庫甲仗庫法物

夢梁錄卷九

三

庫蜜煎庫內司綱房青器密內司備內庫御前應奉所
萬壽香一作宮所御服所裏御所絲帛所腰帶所八作司

意思房燈局御馬院教樂所天章閣樂器庫翰林書藝
局道場庫祇候庫御醋庫主管往來國信所東庫御輦
院軍輅院皇城輦宮營騏驎院教駿營騎從馬院象院
大輦院內轄司濠寨司織染所奉安所御酒庫主管翰
林醫官局太醫局合同憑由司良馬院使臣院快行營
黃院子營阜院子營輕繫庫外庫御前諸宮觀官太廟
營景靈萬壽宮老兒營慈元殿庫皇后殿庫吳益國位

庫淑妃昭容脩儀美人人才人諸位庫以上並是內侍官
兼職提點提舉等職外有皇城司御馬院象院係知閣
御帶環衛官兼領幹辦之職其餘外庫院幹辦之官係
右選官領其職也

夢梁錄卷九

夢梁錄卷九

夢梁錄卷十

錢塘 吳自牧 著

諸官舍

左右丞相參政知樞密院使簽書府俱在南倉前大渠口侍從宅在都亭驛東臺官宅在油車巷省府官屬宅在開元宮對牆卿監郎官宅在俞家園七官宅在郭婆井五官宅在仁美坊三官宅在潘閩巷十官宅在舊睦親坊六房院卽後省官所居處在湧金門東如意橋北五房院卽樞密院諸承旨所居處在楊和王府西也

夢梁錄卷十

府治

臨安府治在流福坊橋右州橋左首亭扁曰奉詔亭右首亭扁曰迎春左入近民坊巷節推察判二廳次則左司理院出街右首則右司理院府院及都總轄房入府治大門左首軍資庫與監官衙右首帳前統制司次則客將客司房轉南入簽廳都門係臨安府及安撫司僉廳有設廳在內僉廳外兩側是節度庫鹽事所給關局財賦司牙契局尸房將官房提舉房投南教場門側曰香遠閣閣後會茶亭閣之左是見錢庫分使庫搭材親

兵使馬等房再出僉廳都門外投西正衙門俱廊俱是
兩司點檢所都吏職級平分點檢等房正廳例帥臣不
會坐蓋因皇太子出判于此臣下不敢正衙坐正廳後
有堂者三扁曰簡樂清平見廉堂後曰聽雨亭左首誦
讀書院正衙門外左首曰東廳每日早晚帥臣坐衙
此治事廳後有堂者四扁曰恕堂清暑有美三桂東
側曰常直司曰點檢所曰安撫司曰竹山閣曰都
賞公使三庫庫後有軒扁曰竹林軒之後堂扁曰愛
承化講易三堂堂後曰牡丹亭東廳右首曰客位左首

夢梁錄卷十

曰六局房祇使書表司親事官虞候授事等房而已府
治外流福井對及仁美坊三通判安撫司官屬衙署焉
府治前市井亦盈鋪席甚多蓋經訟之人往來駢集買
賣要鬧處也

運司衙

西浙運司衙舊在雙門北爲南北二廳今遷豐豫門南
渡子橋西普安橋爲東西二衙曰東衙有寬民堂福星
樓節愛堂振襟堂堂側建別榭曰西衙有周谷堂公生
明堂繡春堂仁惠堂堂後栽脩竹而圍之運司僉廳提

領犒賞酒庫所俱在運司衙門主管文字幹辦公事在俞家園主管帳司廳在戒子橋之北

后戚府

昭慈聖獻孟太后宅在後市街顯仁韋太后宅在薦橋東憲節邢皇后宅在薦橋南憲聖慈烈吳太后宅在州橋東成穆郭皇后宅在佑聖觀後成恭夏皇后宅在豐樂橋北成肅謝皇后宅在豐禾坊南慈懿李皇后宅在後市街恭淑韓皇后宅在軍將橋恭聖仁烈楊太后宅在漾沙坑壽和聖福謝太后宅在龍翔宮側全皇后宅

夢梁錄卷十

三

在豐禾坊南其后戚宅元各賜家廟五室及祭器儀物每四孟祭享官給以御廚兵治祭饌太常寺差奉常官行贊相禮仍差主管官影堂使臣及兵級守之以子孫世領祠事

諸王宮

吳王府在後洋街益王府在新橋秀安僖王府在後洋街漢王府在西橋莊文太子府在井亭橋沂靖惠王府在清湖北景獻太子府在鐵冶嶺榮文恭王府在佑聖觀橋東周漢國瑞孝長公主府在左藏庫西各賜家廟

祭器歲時祭禮及影堂使臣主奉官兵級等循戚宅前制行之矣

家廟

忠烈張循王府在清河坊賜廟祀循王以上五世祖頒祭器法式聽其自造仍差主管一員影堂使臣二員兵級二十七名以子孫帶領祠事忠武韓蘄王府在前洋街賜廟祀頒祭器惟銅爵勺各一餘竹木頒圖式聽其自製一應事儀如前制行忠勇劉鄜王府在明慶寺南建廟賜祭器並如前式忠烈楊和王府在洪橋清河

夢梁錄卷十

四

坊賜家廟與祭器下將作監造以賜歲時行禮官給廚兵太常遣贊相以奉常餘皆如前制行太傅平章魏國公賈秋壑按舊典賜第及家廟在葛嶺集芳園改建廟奉五室同宇以饗四孟月祭器皆尚方所賜凡黥領官吏洒掃兵士與花果月頒之隸版曹及京兆府如在京賜諸勲功廟儀式奏行

館驛

樟亭驛卽浙江亭也在跨浦橋南江岸凡宰執辭免名出居此驛待報矣向有白樂天先生往驛訪楊舊曾賦

詩曰往恨今愁應不殊題詩梁下又踟躕羨君猶夢見
兄弟我到天明睡亦無夜半樟亭驛愁人起望鄉月明
何處見潮水白茫茫北郭驛亭在餘杭門外北郭稅務
之右都亭驛在候潮門裏泥路西侍從宅側次爲館伴
外國使入之地也

本州倉場庫務

鎮城倉常平倉糯米倉俱在餘杭門外師姑橋鹽事所
都鹽倉在艮山門外天宗鹽倉在天宗水門內所轄諸
鹽場十有二曰湯鎮仁和許村鹽官南路茶槽錢塘新

夢梁錄卷十

五

興蜀山巖門上管下管等場又新興以下五場西興錢
清二場皆隸 交木場在龍山抽解竹木場在浙江亭
北又三場在江漲橋南餘杭塘上西溪三路也城內外
場共二十有一處以便諸官廳及民庶排日發賣鐵場
炭場船場鑄冶場在東青門外北瓶場糴場在餘杭門
外賣酒局在豐儲倉邊家渡之東交錢局在府治後都
錢庫激賞庫軍資庫常平庫公使錢庫公使酒庫甲仗
庫書版庫公使醋庫俱在州衙內回易庫在薦橋北外
有公使醋子庫于城內外十有一庫耳或自沽賣止日

納息錢于點檢所樓店務在流福橋北有官設吏令宅務合于人員收檢民戶年納白地貨錢稅務凡五處名曰都稅務浙江稅務龍山稅務北郭稅務江漲稅務但州府雖有稅務之名則朝家多有除放以便商賈諸貨壅于杭城其都作院在白魚池之側運司亦有木稅場在杭城外共八場也船場與架閣庫俱在薦橋門外提領犒賞酒庫所在樓店務之側

點檢所酒庫

點檢所官酒庫各庫有兩監官下有專吏酒匠掌其役

夢梁錄卷十

六

但新煮兩界係本府關給工本下庫醞造所解利息聽充本府贍軍激賞公支則朝家無一毫取解耳曰東庫清煮俱爲一在崇新門裏有酒樓名之曰太和廢之久矣曰西庫又名金文正庫清界庫在三橋南惠遷橋側煮界庫在湧金門外有酒樓扁之曰西樓南庫元名昇陽宮煮界庫在社壇南新界庫在清河坊南酒樓扁之曰和樂北庫煮界庫在祥符橋東清界庫在鵝鴨橋東酒樓扁之曰春風日中庫在衆樂坊北造清界有酒樓扁之曰中和煮庫在井亭橋北曰南上庫呼爲銀甕子

庫煮酒庫在東青門外造清界庫在睦親坊北酒樓扁之曰和豐南外庫造清界庫在便門外清水關造煮界庫在嘉會門外名之曰雪醅庫北外庫造煮界庫在江漲橋南清界庫在左家橋北酒樓扁之曰春融西溪庫清煮兩界俱在九里松大路乃一門分兩庫耳天宗庫造清界在天宗水門裏煮界庫在餘杭門外上關東赤山庫造清界庫在赤山教場煎煮庫在左軍教場側崇新庫清煮兩界俱在崇新門外徐村庫在六和塔南徐村市中其諸庫皆有官名角妓就庫設法賣酒此郡風

夢梁錄卷十

七

流才子欲買一笑則徑往庫內點花牌惟意所擇但恐人家人隱庇推托須是親識妓面及以微利啗之可也又有九小庫如安溪餘杭奉口解城鹽官長安許村臨平湯鎮更有碧香諸庫如錢塘門外上船亭南名爲錢塘正庫有樓扁曰先得錢塘縣前名錢塘前庫鵝鴨橋北曰北正庫正在醋坊巷口也西橋東曰煮碧香庫禮部貢院對河橋西曰藩封棧庫外有藩封正庫在常州無錫縣並隸臨安府點檢酒所提領耳

安撫司酒庫

安撫司所管一道酒庫如餘杭縣閑林酒庫石瀨步東
西二酒庫臨安縣青山桃源二酒庫外有安吉州德清
縣市名爲德清正酒庫五林闔市慶曰德清東西二酒
庫安吉州歸安縣曰璉市東西二酒庫嘉興府華亭縣
曰上海酒庫

廂禁軍

臨安居輦轂之下蓋倚以爲重武備一日不可弛闕而
守帥所統則建炎之舊制至防隅一軍又必藉禁衛之
士別爲部伍三衛之兵亦聽帥臣節制以倡率之姑以

夢梁錄卷十

八

兵制軍號一一述之使知兵衛各有所統耳曰東南第
三將自太祖朝分隸駐劄寨在東青門內元管十指揮
後撥威果二十八指揮雄節九指揮于平江外見存者
威節第一第四第五第六指揮雄節第八第十六指揮
全捷第二第三指揮共統八指揮軍也曰京畿第三將
元係東京畿縣陳畱雍邱尉氏鄆陵陽武屯駐兵後劉
俊統率來捕陳畱存畱駐劄營在東青門裏所統武騎
兩指揮勇廣四指揮廣捷三指揮忠節水軍驍猛神威
雄勇雄威各管一指揮効忠三指揮共統十七指揮軍

也曰兵馬鈴轄司兵馬勇節威果全捷三指揮宿州龍
騎歸遠二指揮因討睦寇暫屯隸鈴轄司所管矣曰廂
軍崇節捍江脩江都作院小作院清湖開湖司北城
堰西河廣濟樓店務長安堰開秤斗務北城鼓角匠橫
江水軍船務牢城各指揮兵士計一萬五百八十七名
之額曰城東城西外沙海外管界茶槽南蕩東梓上管
赭山仁和鹽官黃灣硤石奉口許村巡檢司十六寨計
兵卒一千三百四十四名之額

防隅巡警

夢梁錄卷十

九

臨安城郭廣闊戶口繁夥民居屋宇高森接棟連簷寸
尺無空巷陌壅塞街道狹小不堪其行多爲風燭之患
官府坊巷近二百餘步置一軍巡鋪以兵卒三五人爲
一鋪遇夜巡警地方盜賊烟火或有鬧炒不律公事投
鋪卽與經廂察覺解州陳訟更有火下地分遇夜在官
舍第宅名望之家伏路以防盜賊蓋官府以潛火爲重
于諸坊界置立防隅官屋屯駐軍兵及于森立望樓朝
夕輪差兵卒卓望如有烟燧處以其幟指其方向爲號
夜則易以燈若朝天門內以旗者三朝天門外以旗者

二城外以旗者一則夜間以燈如旗分三等也曰東隅
有望樓在柴垛橋都稅務南曰西隅有望樓在白龜池
曰南隅有望樓在吳山至德觀後曰北隅有望樓在潘
閩巷內曰上隅有望樓在大瓦子後三真君廟前曰中
隅有望樓在下中沙巷蠟局橋東堍曰下隅有望樓在
脩文坊內曰府隅有望樓在府治側左院牆邊曰新隅
在長慶坊曰新南隅在候潮門裏東曰新北隅在餘杭
門裏曰新上隅在侍郎橋東皮場廟側曰西南隅在壽
域坊仁王寺前曰南上隅在麗正門側儀鸞司相對曰

夢梁錄卷十

十

城西隅在錢湖門外清化橋曰城北上隅在北郭稅務
橋曰東北下隅有望樓在北新橋北曰錢塘隅有望樓
在水磨頭放生亭後曰新西隅在九里松麴院路口曰
海內隅在浙江亭南油局曰外沙隅在候潮門外外沙
巡司曰城東隅在新門外城東巡司曰茶槽隅在東青
門外茶槽巡司如遇烟燧救撲帥臣出于地分帶行府
治內六隊救撲將佐軍兵及帳前四隊親兵隊搭材隊
一併聽號令救撲並力撲滅支給犒賞若不竭力定依

軍法治罪

帥司節制軍馬

浙西安撫司節制殿步兩司軍校雖係帥司節制元無統屬遇有速欲調遣及救撲烟燧須伺朝旨調遣常不及事遂請于朝省得旨行下殿步兩司各差官兵千人各委統制官二員帶行正任兵馬鈐轄都監及添差兵馬鈐轄副都監職任于城內四壁置隅以備調遣復請朝堂欲再于殿步二司差軍兵分任城外四壁防虞之責遂行下各司再選精軍三百人各以統制官二員仍帶本州鈐轄路分之職分任也並照城內四壁約束俱

夢梁錄卷十

十一

隸帥司節制自後兩浙運司申朝得旨令分官城內外四壁軍兵通行節制以便救撲且如防虞器具桶索旗號斧鏹燈籠火背心等器具俱是官司給支官錢措置一一俱備遇有救撲百司官吏俱整隊伍急行奔馳駐劄遺漏地方聽行調遣不勞百姓餘力便可撲滅如宰執帥漕殿步帥臣聞到地面指揮救撲百司官吏亦各詣所隸官司守局以備不測其脩內司搭材等兵級亦同內侍分頭救滅或火勢侵及官舍戚里之家及燧燼畏威有傷百姓屋廬內庭累令大使馭馬傳宣諸司帥

臣速令將佐兵士撲滅毋致違慢如有違誤定行軍法
治之帥漕二司遇行救撲官捨錢買水澆滅富室豪戶
亦喝錢助役軍士盡力撲滅不致疎虞若救火軍卒重
傷者所司差官相視傷處支給犒賞差醫診治

夢梁錄卷十

夢梁錄卷十

夢梁錄卷十一

錢塘 吳自牧 著

諸山巖

大內坐山名鳳凰卽杭峇山也廟巷山名吳山又曰胥
山上方多福寺名七寶山山前連者謂之寶蓮山進奏
院後名石佛山太廟後名瑞石山妙果尼寺前名金地
山漾沙坑小山名茆山淺山寶月寺前名寶月山八眼
井前名峨眉山草塲山御廚營山謂之寶山孝仁坊名
清平山府治名竹園山秀峰諸山一脈耳豐樂橋南有

夢梁錄卷十一

狗兒山此古老相傳稱之而實無山跡東太乙宮後圃
內有小土山名虎林山建亭在其上扁曰武林卽杭之
主山也城南冷水峪上名曰包山有桃花關多貴官園
圍春開桃花數里艷色如錦杭人遊宴甚夥嘉會門外
洋泮橋南名龍山又曰天龍山山西名月輪大慈二山
低處名馬鞍五雲等山鐵井欄謂之定山秦望山浮山
范村北鄉名排山楊村名巘山巫山頭名廟山又謂之
綠山水樂洞前名南高峯山九里松名靈隱山靈茆山
仙居山靈隱寺後山名北高峯山寺前名飛來峯白猿

峯稽雷峯月桂峯蓮華峯連巖巉巖靈鷲寺右青林巖
理公巖靈隱山南名葛塢朱聖女兒山玉女巖龍井山
雲栖山范村諸塢山西湖堤上名孤山乃林和靖先生
隱居處其山聳立傍無聯附爲湖山之絕勝也錢塘界
有粟山縣舊治南名巨石山石甑山壽星寺後巾子峯
山大佛寺名大佛石山張眞君行宮前名霍山興教寺
後曰南屏山其山怪石聳秀中穿一洞上有石壁如屏
障可愛司馬溫公書家人卦刻之于石見存其跡矣淨
慈寺對山名雷峯寺山後有慧日峯山龍井山側名雞

夢梁錄卷十一

二

龍山高麗惠因寺前名赤山更有一峯聳出衆山繚繞
古木列垂森翠難描謂之玉岑山也報德寺有山名鷓
雞峯無垢院有一峯如筆卓然而立故名卓筆峯大麥
嶺後花家山又名蛇山放馬場側靈石山東山又名仙
姑山王家橋試院後名西觀音山泰亭山石壁山西溪
龍門山長壽鄉大悲山塢崇化鄉觀山黃龍茆滌楊梅
等山城東北山臨平山桐扣山赤岸山臯亭山青龍山
母山佛石山石膏山大婆山白巖山方山苧山楊山唐
峯山近山大遮山鳥尖山飲馬山安樂山石壁山龍駒

山法華山仁和縣界東北有黃鶴山永和等鄉超山亭
市龍珠山大旗山南北南鮑山玉峯山洛山蛾眉山烏
頭山姥獨山赭石山馬嘒山其餘七縣山脈繚複峯巒
巍峩週圍數百里難以盡述矣虎頭巖在錢塘門外介
于寶巖定業寺後山葛澧錢塘帝都賦云巖則虎頭故
老傳云此山舊有巖石突出如虎頭形吳越錢王納土
後奏有望氣云杭州西湖有虎頭形勝遂命匠鑿去其
形兩赤縣有名巖者如連巖青林巖理公巖玉女巖象
鼻巖佛手巖

嶺

夢梁錄卷十一

三

八蟠嶺在大內後殿司衙山上萬松嶺在和寧門外孝
仁坊西嶺上夾道栽松今第宅內官民居高高下下鱗
次櫛比多居于上白樂天夜歸賦詩有萬株松樹青山
上十里沙堤明月中之句又東坡蠟梅詩有萬松嶺下
黃千葉之句鐵冶嶺在步司衙左虎翼營東紫坊嶺在
漾沙坑七官宅之側駱駝嶺在三茆觀之麓灌肺嶺在
大街清河坊北狗兒嶺在教睦坊內此二嶺舊有坡阜
今夷爲坦路而名存焉慈雲嶺西在方家峪東往郊壇

路有後唐石刻風篁嶺在錢塘門外放馬場西路通龍井其嶺最高峻嶺上有亭名曰過溪又曰二老東坡賦詩紀之又探梅詩有問訊風篁嶺下梅又有界亭詩丹青明滅風篁嶺之句分金嶺在錢塘舊治西狗頭嶺在舊治北梯子嶺在方家峪南錢糧司嶺在城西巡司前五子嶺在龍山之北白塔嶺在龍山之東徐村嶺俗呼薑擦子嶺雷嶺牛馬頭嶺俱在錢塘定山北鄉牌山嶺在定山南鄉五雲山嶺在徐村及雲栖山俱可往來大麥嶺小麥嶺今在高麗寺西與步司右軍相連路通坊

夢梁錄卷十一

四

馬場嶺嶺有觀音閣對山有東坡同王淪楊傑張鑄元祐五年三月三日遊三竺過麥嶺題名石刻存焉南高峯下煙霞嶺為嶺在西湖之西葛仙翁煉丹于此有初陽臺高廟卽其地創集芳園理廟以此園賜賈秋壑建第宅家廟蓋賈公有別墅在焉棲霞嶺又名劍門嶺亦名劍門關在錢塘門外顯明院之北舊多栽桃花開時爛然如霞故名之嶺下岳鄂王墓馳轡嶺在九里松東臙脂嶺在九里松麴院路西石人嶺又名馮公嶺在靈隱寺西去半里許又有大青嶺在東墓嶺南郎當嶺

在青嶺南黃泥嶺之行春橋水竹塢步司前軍寨南
胡家嶺在錢塘長壽鄉其嶺極峻峭有石井旱不涸歌
樵嶺在慈山大石姥嶺在仁和界

諸洞

城內有洞者三青衣洞在三茅觀之後曰羅漢洞在
令所北其洞廢塞已久今仍呼其名曰金星洞在鳳
尾山介乎下太廟亦有洞如其名也城外有洞者凡一
十有七口南高峯煙霞洞下水樂洞其洞前四望林
石聳秀巖石笋峙洞虛窈滄涵如淵泉味且清甜可掬

夢梁錄卷十一

五

洞中水聲如金石之音頃爲楊和郡王別圃鑿石築亭
取爲幽雅歲時都人遊觀集焉歷年多蕪穢弗治水樂
聲幾絕買秋壑以得之增葺其景顧無水音秋

一俯睨旁聽悠然有契谷虛而後能應水激而後能

聲今水瀦其中土壅其外欲振聲得乎亟命流壅導

月聲自洞閒出節奏自然二百年勝槩于今如始也

楊村嶮山慈嚴寺之後名風水外臺天真院有二洞

扁曰登雲曰靈化東坡和靖題于石右赤山殿司

左軍寨尼菴側有洞名鐵窻楞洞天竺山有二洞名呼

猿龍泓煙霞石塢路大仁院有石屋洞極高大狀如屋
周圍鐫刻諸佛菩薩羅漢之像其寺正爲佛殿朝香夕
燈之供烏塢山名煙霞洞石屋寺側曰棲霞洞下竺寺
內有洞名香林臨平山有洞名龍洞尼菴後有洞名蝠
蝠洞細礪洞錢塘崇化坊有白龍洞其洞有龍居焉朝
家曾祈雨賜有感敕封侯爵爲顯靈孚濟美號賜廟額
曰敏應掃帚塢護國仁王寺有洞不載其名仁和界超
山有洞名海雲洞倏時乾濕建紫龍王祠祀之古柳林
楊和王園內名白雲洞蓋以坡地擁土成之此奪天之

奇巧也

夢梁錄卷十一

六

溪潭澗浦

杭郡係南渡駐蹕于此地倚山林抱江湖多有溪潭澗
浦繚繞郡境實難描其佳處自武林山之西名曰西溪
頃者有郭祥正詩題詠曰西溪在湖外一派濯殘陽遊
子託漁艇却愁歸路長九溪在赤山煙霞嶺西南通徐
村出大江北達龍井安溪在錢塘去北關五十里溪
上有大遮山祠龍山在上古人相傳風雨之夕龍現珠
凌溪在錢塘長壽奉口溪在錢塘安溪之北十八

里 潭者寶月山寶月寺之西曰黑龍潭其潭莫測深淺亢旱不竭一名天井山下有天井巷晴則潭水碧色可愛將雨則水黑郡民于此候晴雨多驗唐守白樂天曾祭龍神撰祝文曰惟龍其色元其位坎其神壬癸與水通靈日者歷禱四方寂然無應今故虔誠潔意致命于黑龍龍無水顧何依神無靈將恐竭澤能救物我寔有望于龍物不自神龍豈無求于我若三日之內雨一滂沛是龍之靈亦人之幸禮無不報神其聽之仁和臨平鎮東湖曰白龍潭漁浦潭按今輿地志在郡西南龍遊潭在仁和阜亭山鉢孟潭在南高峯及仁和大年鄉石塘東玉兒潭在郡西五十里浣紗潭在仁和臨平鄉羊鐵潭在艮山門外西湖三潭古人相傳在湖中

浦者考鳳凰山下有柳浦咸淳志云隋志置郡晉吳喜嘗游軍此地參之諸文無考便門側名鐵幢浦古人相傳吳越王射潮箭所止處立鐵幢又聞錢王築塘時高下置鐵幢凡三以爲鎮壓潮水退則見其幢也淳祐戊申帥司買民地置亭其上王荆公詩云憶昨初爲海上行日斜來往看潮生如今身是西歸客迴首山川覺有

情靈隱浦自靈隱山南徂東臨浙江一派謂之北浦今
資國院前是也亦云靈隱步頭有詩咏曰有靈何所隱
深浦老蒹葭漁父一舟泊却疑秋漢槎白石浦鮮船渡
浦楊村浦俱仁和臨江鄉 澗者如合澗在靈隱天竺
之閒十八澗在龍井山之西步司左軍寨後路通六和
塔寺石門澗參軍陸羽靈隱寺記舊有臥龍石橫澗中
有詩咏曰啓閉何人見湍流一澗分仙家無路入空鎖
石樓雲金沙澗在靈隱寺側自合澗橋繞寺山一帶唐
家術石橋在軍寨門內至行春橋折入步司前軍寨門

夢梁錄卷十一

八

由麴院流入西湖惠因澗在赤山高麗惠因寺側秦少
游遊龍井曾濯足于澗題名記之云並湖而行出雷峯
度南屏濯足于惠因澗入靈石塢得支徑上風篁嶺憩
于龍井亭酌泉投石而飲之呼猿澗在靈隱山呼猿洞
之左右也

井泉

杭城內外民阜蕃列朝帥臣常命工開撩井泉以濟
邦民之汲庶無枯涸之憂吳山北大井曰吳山井蓋此
井係吳越王時有詔國師始開爲錢塘第一井山脈融

液泉源所鍾不雜江潮之水遇大旱不涸天井巷舊有
曰天井舊志云寶月山上亦有天井後廢之久矣萬松
嶺上沈婆井嶺下有郭公井鐵冶嶺北有郭婆井青平
山側有郭兒井壽域坊仁王院前上四眼井長慶坊竹
竿坊巷曰下四眼井金地山步司寨前名白鱗井青沙
灣有鰻井寶月山下上八眼井祕書省相對下八眼井
後市街大眼井六部前甜瓜井四方館北及南倉前各
有大井太學後及市西坊各名沈公井祥符寺中向吳
越王子寺內開井九百九十眼後改創軍器所墜塞僅

夢梁錄卷十一

九

存數井耳薦橋北有義井亦呼四眼井道明橋雙井豐
樂橋西長惠井棚前亦有雙井梵天寺靈鰻井錢王廟
前烏龍井六和塔南沙上曰沙井上以鐵井欄護之西
溪有井名龜兒井方井淨慈寺前四眼井下竺藏院煉
丹井武林山烹茗井清湖惠利井鐵冶嶺相公井甘泉
坊相國井安國羅漢寺名西井又名成化井三省激賞
庫名四井坊俗呼四眼井裴府前名小方井俗呼小眼
井惠遷橋西有井一而三名曰沈公井曰金牛井曰惠
遷井州治前流福坊名流福井湧金門鑪子井自惠利

而鑄子計八井于西湖置水口引水歸城使民汲之孤
山有金沙井風篁嶺龍井有名賢題詠甚多秦少游題
名石刻丞相鄭清之跋東坡之記存焉治平寺葛公雙
井楊村路上觀音井小林蓮華院蓮華井仁和臯亭馮
氏井 泉者以城外兩赤縣有冷泉醴泉溫泉並見武
林山玉泉在錢塘九里松北淨空院齊末有靈悟大師
雲超開山說法龍君來聽撫掌出泉有小方池深不及
丈水清徹可鑿異魚游泳其中池側立祠祀龍君朝家
封公爵白樂天有詩云湛湛玉泉色悠悠浮雲身閒心

夢梁錄卷十一

十

對定水清淨兩無塵手把青藜杖頭戴白綸巾興盡下
山去知我是誰人眞珠泉在大慈崇教院爲張循王眞
珠園內也靈泉在壽星寺前有亭而廣福院亦有之金
沙泉在仁和永和鄉東坡詩有細泉幽咽走金沙之句
盃泉詳于壽星寺臥犀泉見于鄭戩靈隱天竺詩序中
蕭公泉在靈隱寺後歲寒泉在龍井山崇因院法華泉
在南山滿覺寺參寥泉元祐年間此僧住上智果寺寺
有泉東坡以僧之名爲泉名蓋東坡應夢記云僕在黃
州日參寥自吳中來訪一日夢此僧賦詩覺而記兩句

云寒食清明都過了石泉槐火一時新後七年僕出守
錢塘此僧始卜居西湖智果院院有泉出石縫間寒食
之明日僕與客泛湖自孤山來謁參寥子汲泉鑽火烹
黃蘗茶忽悟子夢詩兆于七年前衆客皆嘆遂書始末
并題之非虛語也潁川泉在南高峯觀音泉者有三法
通傳燈真如三寺也噴月泉在南山晴竹園廣福院定
光泉在西山長耳僧法相院西定光菴側白沙泉在靈
隱寺西普賢院方丈之西其泉自白沙中出有詩詠曰
不見泉來穴沙平落細聲夜高寒月漾銀漢大分明周

夢梁錄卷十一

十一

公泉又名北牖泉在湖州市下闡甘泉在城北童家巷
南惠泉在錢塘長壽鄉大遮山惠泉寺水谷泉在臨平
山寂光菴側寒泉舊名薦菊泉在錢塘門外嘉澤廟生
綠泉在南山福聖院六一泉僕夫泉在孤山四聖太乙
道館園內大悲泉在上天竺扶苓泉在靈隱寺西無垢
院虎跑泉在大慈山持正泉在六和開化寺湧泉在霍
山行宮西清心院前山坡下高廟日遣人汲泉入內淪
茗寺中以朱欄護之味極清甘亢旱不竭天澤泉在麴
院小隱寺前有亭覆之安平泉在仁和安仁西鄉安隱

院有池扁曰安平泉池邊有亭東坡詩曰策杖徐徐步
此山撥雲尋徑興飄然鑿開海眼知何代種出菱花不
記年烹茗僧誇甌泛雪煉丹人化骨成仙當年陸羽空
收拾遺却安平一片泉城內有瑞石泉在料糧院北瑞
石山下今太廟南有井亭青衣泉在太廟後三茅觀園
內武安泉在皇城司營水清甘有石刻武安泉三字俱
按咸淳志所載而述之也

池塘

湧金池在豐豫門裏引西湖水爲池吳越王元瓘大書

夢梁錄卷十一

十一

湧金池三字刻石識之其旁書清泰三年丙午之歲建
午之月特開此池有前輩賦詩詠曰湧金春色晚吹落
碧桃花一片何人得流經十萬家衆沼皆涵碧斯池獨
湧金寶光終夜見不是月華深聖母池在吳山中興觀
側以石欄護之上建聖母廟白龜池在錢塘門裏沿城
南金牛池已廢仁和倉池在倉南明清池在大理寺議
廳池畔有潘闥詩刻白洋池在梅家橋南鴻雁池在龍
山北龍母池在錢糧司嶺金魚池在開化寺後山澗水
底有金銀魚放生亭池在西湖德生堂瑤池在錢塘門

外寶勝寺側今屬呂氏園有二飲馬池一在西溪飲馬山下一在菜市門外廟子灣西水池在長橋東錢湖門外碧沼水池在湖州市左八郎廟巷池廣三畝水清甘人多汲飲有扁曰碧沼磨劍池臨平山下有片石俗傳錢王磨劍于此宮城外護龍水池二十所自候潮門裏南貼中軍寨壁宮城之東直至便門裏南水門北和寧門外水池袤一百二十尺自是近南居民去水絕遠者皆恃此防虞以爲安矣城內外居民水遠去處官置防虞水池者二十有二以便民之利 塘者如艮山門外

尉司衙側名五里塘艮山門外蔡官人塘月塘其地宜種瓜有周姓者擅其利土人呼月塘周家筭筒瓜是也 上塘在殿司右軍教場側又在團園頭石塘北沈塘在北關門外又名沈家灣永和塘在仁和永和鄉地接石鼎湖白龍潭俗謂之三里陰水勢漲溢一遇卯風震蕩則數百頃瞬息湮沒鄉民患之後得邑士倡義捐財以助修築塘成歲無水患邑宰范光命名曰永和堤官河塘在北新橋之北接廣運河大塘又有一塘曰馬塘袤一十八里抵安溪通四州驛路淳祐並加築治至今無

頽圯之患矣

堰閘渡

清河堰在餘杭門外稅務東裏沙河堰在餘杭門外仁
和橋東 澄水閘在西湖長橋南因錢湖門內諸山之
水分流爲三道一以錢湖門外北城下置海子口流水
省馬院後爲小渠引水直至澄水閘入湖又爲三渠出
于湖皆有石橋後渠爲民居湮塞然橋猶可記也西閘
在赤山教場側龍山渾水閘清水閘在龍山浙江清水
渾水二閘在便門外保安閘在小堰門外清湖上中下

夢梁錄卷十一

五

三閘在餘杭門外石函橋閘在錢塘門外水磨頭因湖
水漲壅開此泄水出于下湖安溪化灣二斗門閘在錢
塘縣北 浙江渡在浙江亭江岸對西興龍山渡在六
和塔開化寺山下對漁浦漁山渡在大朱橋及鹽倉前
兩岸相望不遠江勢可畏浙東士夫憚于渡漁浦者多
由此渡船頭渡在通江橋北周家渡在城內漆木巷司
馬渡在油蠟局橋蕭家渡在下中沙巷邊家渡在仁和
倉東睦家渡在豐儲倉西時家渡在德勝堰南

夢梁錄卷十二

錢塘 吳自牧

著



西湖

杭城之西有湖曰西湖舊名錢塘湖週圍三十餘里自古迄今號爲絕景唐朝白樂天守杭時再築堤捍湖宋慶歷閒盡闢豪民僧寺規占之地以廣湖面元祐時蘇東坡守杭奏陳于上謂西湖如人之眉目豈宜廢之遂撥賜度牒易錢米募民開湖以復唐朝之舊紹興閒輦轂駐蹕衣冠紛集民物阜蕃尤非昔比郡臣湯鵬舉申

夢梁錄卷十二

明西湖條畫事宜于朝增置開湖軍兵差委官吏管領任責蓋造寨屋舟隻專一撩湖無致湮塞修湖六井陰竇水口增置斗門水閘量度水勢得其通流無垢污之患乾道年閒周安撫滌奏乞降指揮禁止官民不得拋棄糞土栽植荷菱等物穢污填塞湖港舊名募軍兵專一撩湖近來廢闕見存者止三十餘名乞再填剌補額仍委尉司官并本府壕寨官帶主管開湖職專一管轄軍兵開撩無致人戶包占或有違戾許人告捉以違制論自後時有禁約方得開闢淳祐丁未大旱湖水盡涸

郡守趙節齋奉朝命開濬自六井至錢塘上船亭西林
橋北山第一橋蘇堤三塔南新路長橋柳洲寺前等處
凡種菱荷菱蕩一切薙去方得湖水如舊咸淳間守臣
潛鼻璽亦申請于朝乞行拆除湖中菱荷毋得存留穢
塞侵占湖岸之間有御史鮑度劾奏內臣陳敏賢劉公
正包占水池蓋造屋宇濯穢洗馬無所不施灌注湖水
一以醞酒以祀天地饗祖宗不得蠲潔而虧歆受之福
次以一城黎元之生俱飲污膩濁水而起疾疫之災奉
旨降官罷職令臨安府日下拆毀屋宇開闢水港盡于

夢梁錄卷十二

二

湖中除拆蕩岸得以無穢汚之患官府除其年納利租
官錢銷滅其籍絕其所蔭本根勿復萌孽矣且湖山之
景四時無窮雖有畫工莫能摹寫如映波橋側竹水院
澗松茂盛密蔭清漪委可人意西林橋卽裏湖內俱是
貴官園圃涼堂畫閣高臺危榭花本奇秀燦然可觀有
集芳御園理宗賜與賈秋壑爲第宅家廟往來遊玩舟
隻不敢仰視禍福立見矣西泠橋外孤山路有琳宮者
二曰四聖延祥觀曰西太乙宮御圃在觀側乃林和靖
隱居之地內有六一泉金沙井閒泉僕夫泉香月亭亭

側山椒環植梅花亭中大書疏橫斜水清淺暗香浮
動月黃昏之句于照屏之上云又有堂扁曰挹翠蓋挹
西北諸山之勝耳曰清新亭面山而宅其麓在挹翠之
後曰香蓮亭曰射圃曰瑪瑙坡曰陳朝檜皆列圃之左
右舊有東坡菴四照閣西閣鑑堂辟支塔年深廢久而
名不可廢也曰蘇公堤元祐年東坡守杭奏開浚湖水
所積葑草築爲長堤故命此以表其德云耳自西迤
北橫截湖面綿互數里夾道雜植花柳置六橋建九亭
以爲遊人翫賞駐足之地咸淳間朝家給錢命守臣增

夢梁錄卷十二

三

築堤路沿堤亭榭再一新補植花木向東坡嘗賦詩云
六橋橫接天漢上北山始與南屏通忽驚二十五萬丈
老葑席捲蒼煙空曰南山第一橋名映波橋西偏建堂
扁先賢寶歷年大資袁京尹歆請于朝以杭居吳會
爲列城冠湖山清麗瑞氣扶輿人傑代生踵武相望祠
祀未建實爲闕文以公帑求售居民園屋建堂奉忠臣
孝子善士名流德行節義學問功業自陶唐至宋本郡
人物許箕公以下三十四人及孝婦孫夫人等五氏各
立碑刻表世旌哲而祀之堂之外堤邊有橋名袁公橋

以表而出之其地前挹平湖四山環合景象窈深惟堂濱湖入其門一徑縈紆花木蔽翳亭館相望來者由振衣歷古香循清風登山亭憩流芳而後至祠下又徙玉晨道館于祠之良隅以奉洒掃易扁曰旌德且爲門便其往來直門爲堂扁曰仰高第二橋名鎖瀾橋西建堂扁曰湖山咸淳間洪帥燾買民地初建棟宇雄傑面勢端闕罔巒奔赴水光滉漾四浮圖畫四圍如武士相衛回眸顧盼由後而望則芙蕖菰蒲蔚然相扶若有遜避其前之意後二年帥臣潛皋墅增建水閣六楹又縱爲

夢梁錄卷十二

四

堂四楹以達于閣環之欄檻關之戶牖蓋邇延遠挹盞納十山萬景卓然爲西湖堂宇之冠遊者爭趨焉接第三橋名望山橋側有堂扁曰三賢以奉白樂天林和靖蘓東坡三先生之祠袁大資請于朝切惟三賢道德名節震耀今古而祠附于水仙廟東廡則何以崇教化勵風俗遂買居民廢址改造堂宇以奉三賢實爲尊禮名勝之所正當蘇堤之中前挹湖山氣象清曠背負長岡林樾深窈南北諸峯嵐翠環合遂與蘇堤貫聯也蓋堂宇參錯亭館臨堤種植花竹以顯清樾堂扁水西雲北

月香水影晴光雨色曰北山第二橋名東浦橋西建一
小矮橋過水名小新堤于淳祐年間趙節齋尹京之時
築此堤至麴院接靈隱三竺梵宮遊玩往來兩岸夾植
花柳至半堤建四面堂益以三亭于道左爲遊人憩息
之所水綠山青最堪觀玩咸淳再行高築堤路凡二百
五十餘丈所費俱官給其券工也曰北山第一橋名涵
碧橋過橋出街東有寺名廣化建竹閣四面栽竹萬竿
青翠森茂陰晴朝暮其景可愛閣下奉樂天之祠焉曰
壽星寺高山有堂扁曰江湖偉觀蓋此堂外江內湖一

夢梁錄卷十二

五

覽目前淳祐趙尹京重創廣厦危欄顯敞虛曠旁又爲
兩亭巍然立于山峯之頂遊人縱步往觀心目爲之豁
然曰孤山橋名寶祐舊呼曰斷橋橋裏有梵宮以石刻
大佛金裝名曰大佛頭正在秦皇纜舟石山上遊人爭
觀之橋外東有森然亭堂名放生石函橋西昨於真
廟朝天禧年間平章王欽若出判杭州請於朝建也次
年守臣王隨記其事元祐東坡請浚西湖謂每歲四月
八日邦人數萬集于湖上所活羽毛鱗介以百萬數皆
西北向稽首祝萬歲紹興以鑾輿駐蹕尤宜涵養以示

渥澤仍以西湖爲放生池禁勿採捕遂建堂扁德生有亭二一以濱湖爲祝網縱鱗之所亭扁泳飛一以枕山凡名賢舊刻皆峙焉又有奎書戒烹宰文刻石于堂上曰玉蓮又名一清在錢塘門外菩提寺南沿城景定閒尹京馬光祖建次年魏克愚徙郡治竹山閣改建于此但堂宇爽闊花木森森顧盼湖山蔚然堪畫曰豐豫門外有酒樓名豐樂舊名聳翠樓據西湖之會于峯連環一碧萬頃柳汀花塢歷歷欄檻閒而遊橈畫舫棹謳堤唱往往會于樓下爲遊覽最顧以官酤喧雜樓亦臨水

夢梁錄卷十二

六

弗與景稱淳祐年帥臣趙節齋再撤新創瓌麗宏特高接雲霄爲湖山壯觀花木亭榭映帶參錯氣象尤奇縉紳士人鄉飲團拜多集于此更有錢塘門外望湖樓又名看經樓大佛頭石山後名十三閒樓乃東坡守杭日多遊此今爲相嚴院矣豐豫門外有望湖亭三處俱廢之久名賢遺跡不可無傳故書之使後賢不失其名耳曰湖邊園圍如錢塘玉壺豐豫漁庄清波聚景長橋麕樂大佛雷峯塔下小湖齋宮甘園南山南屏皆臺榭亭閣花木奇石影映湖山兼之貴宅宦舍列亭館于水堤

梵剎琳宮布殿閣于湖山周圍勝景言之難盡東坡詩
云若把西湖比西子淡妝濃抹總相宜正謂是也近者
畫家稱湖山四時景色最奇者有十曰蘇堤春曉翹院
荷風平湖秋月斷橋殘雪柳浪聞鶯花港觀魚雷峯夕
照兩峯插雲南屏晚鐘三潭映月春則花柳爭妍夏則
荷榴競放秋則桂子飄香冬則梅花破玉瑞雪飛瑤四
時之景不同而賞心樂事者亦與之無窮矣

下湖

下湖在錢塘門外其源出于西湖一自玉壺水口流出

夢梁錄卷十二

七

九曲沿城一帶至餘杭門外一自水磨頭石函橋開流
出策選鋒教場楊府雲洞北郭稅務側合爲一流如環
帶形自有二斗門瀦泄之淳祐年西湖水涸城內諸井
亦竭尹京趙節齋給官錢米命工自錢塘尉解北望湖
亭下鑿渠引天目山水自餘杭河經張家渡河口達于
瀾水橋斗門凡作數壩用車運水經西湖庶得流通城
中諸市民賴其利也林和靖艤石函因過下湖小墅
賦詩曰平湖望不極雲氣遠依依及向扁舟泊還尋下
瀨歸青山連石埭春水入柴扉多謝提臺魚豈人到落

暉錢塘定山南鄉有名湖劉道真錢塘記云明聖湖在縣南一百步又仁和東十八里亦有此湖之名仁和縣東北十八里有湖名曰御息故老相傳秦始皇東遊暫見于此故以名之縣東長樂鄉曰臨平湖前輩夜汎湖賦詩曰素彩皓粲津孤舟入清曠已愛隔簾看還宜捲簾望隔簾捲簾當此時惆悵思君君不知三月平湖草欲齊綠場分映入長堤田家起處烏龍吠酒客醒時謝豹啼上當蓮葉渚水墜新擘稻秧畦人閒謾說多岐路咫尺神仙洞却迷仁和永和鄉有湖者二曰石橋湖曰丁山湖天外曰泛洋湖仁和長樂鄉像光湖唐時湖中現三色光掘地得彌勒佛石像乃建寺及湖名俱曰像光仁和桐扣山下名石鼓湖

浙江

浙江在杭城東南謂之錢江內有浙山正居江中潮水投山下曲折而行有若反瀉水勢者以錢塘松江浦陽爲三而不知浦陽在何地今富陽卽錢塘江其江自古曰浙河見于莊子書中其爲東南巨浸昭昭也按吳越春秋內傳云吳王賜子胥死乃取其尸盛以鴟夷之

革浮之江中子胥因隨流揚波依潮來往蕩激堤岸又按越王外傳云越王賜大夫種死葬于西山之下一年子胥從海上穿山脅而持種去與之俱浮于海故前潮水潘侯者伍子胥也後重水者大夫種也恐此說荒誕無稽不敢信以忠清廟記言之非誕也然諸家所說甚多或謂天河激湧亦云地機翕張又以日激水而潮生月周天而潮應或以挺空入漢山湧而濤隨析木大梁月行而水大源殊派異無所適從索隱探微宜伸確論大率元氣嘘吸天隨氣而張斂溟渤往來潮隨天而進

夢梁錄卷十二

九

退者也蓋日者重陽之母陰生于陽故潮附之于日也月者太陰之精水屬陰故潮依之于月也是故隨日而應月依陰而附陽盈于朔望消于朏魄虛于上下弦息于輝朏故潮有大小焉但月朔夜半子晝則午刻潮平于地次日潮信稍遲一二刻至望日則潮亦如月朔信復會於子午位若以每月初五二十日此四日則下岸其潮自此日則漸漸小矣以初十二二十五日其潮交澤起水則潮漸漸大矣初一至初三十五至十八六日之潮最大銀濤沃日雪浪吞天聲若雷霆勢不可禦進退

盈虛終不失期且海門在江之東北有山曰赭山與龕山對峙潮水出其閒也盧肇潮論所謂夾羣山而遠入射一帶以中投者是也若言狹逼則東自定海吞餘姚奉化二江俾之浙江尤甚逼狹潮未聞其聲北望嘉興太湖水闊二百餘里故商船舶于上潭惟泛餘姚小江易舟而浮運河達于杭越蓋以下有沙潭南北之隔碍洪波蹙遏潮勢矣

城內外河

茅山河東自保安水門向西過權貨務橋轉北過通江

夢梁錄卷十二

十

橋一直至梅家橋舊德壽宮之東今宗陽宮有茅山河因展拓宮基填塞及民戶包占雖存去水大渠流至蒲橋後被修內司營填塞所不及故道今廢之久矣 鹽橋運河南自碧波亭州橋與保安水門裏橫河過望仙橋直北至梅家橋出天宗水門一派自仁和倉後葛家橋天水院橋淳祐倉前出餘杭水門水道 市河俗呼小河東自清冷橋西流至南瓦橫河轉北由金波橋直北至仁和倉橋轉東合天宗院橋轉北過便橋出餘杭水門 清湖河西自府治前淨因橋過閘轉北由樓店

新橋入大運河至長安閘入嘉興路運河一由西北過
德勝橋上北城堰過江漲橋喻家橋北新橋以北入安
吉州界下塘河 新開運河在餘杭門外北新橋北通
蘇湖常秀潤等河凡諸路綱運及販米客舟皆由此達
于杭都 下湖河在漕水橋柴場北自策選馬軍寨墻
八字橋沿東西馬膝羊角埂上泥下泥橋直抵步司中
軍寨墻北一派自打水樓南折入左家橋河入江漲橋
河一派自八字橋西策選軍寨神勇寨步人橋至石塘
橋下折入餘杭塘河一派自西堰橋西溪山一帶至飲

夢梁錄卷十二

十三

馬山亦折入餘杭塘河 子塘河自北郭稅務驛亭下
直抵左家橋係下湖洩水去處 餘杭塘河在餘杭門
外江漲橋投西路至餘杭縣 奉口河自北新橋至奉
口大溪 前沙河在菜市門外太平橋外沙河北水陸
寺前入港可通湯鎮赭山巖門鹽場東坡嘗雨中督役
開湯村運鹽河賦詩曰居官不任事蕭散羨長卿胡不
歸去來滯留愧淵明鹽事星火急誰能恤農耕
鼙鼓動萬指羅溝坑天雨助官政泣然淋衣纓人如鴨與
豬投泥相濺驚下馬荒堤上四顧但湖泓線路不容足

新橋入大運河至長安閘入嘉興路運河一由西北過
德勝橋上北城堰過江漲橋喻家橋北新橋以北入安
吉州界下塘河 新開運河在餘杭門外北新橋北通
蘇湖常秀潤等河凡諸路綱運及粟米客舟皆由此達
于杭都 下湖河在漕水橋柴場北自策選馬軍寨牆
八字橋沿東西馬膝羊角埂上泥下泥橋直抵步司中
軍寨牆北一派自打水樓南折入左家橋河入江漲橋
河一派自八字橋西策選軍寨神勇寨步人橋至石塘
橋下折入餘杭塘河一派自西堰橋西溪山一帶至飲

夢梁錄卷十二

十一

馬山亦折入餘杭塘河 子塘河自北郭稅務驛亭下
直抵左家橋係下湖洩水去處 餘杭塘河在餘杭門
外江漲橋投西路至餘杭縣 奉口河自北新橋至奉
口大溪 前沙河在菜市門外太平橋外沙河北水陸
寺前入港可通湯鎮赭山巖門鹽場東坡嘗雨中督役
開湯村運鹽河賦詩曰居官不任事蕭散羨長卿胡不
歸去來滯畱愧淵明鹽事星火急誰能恤農耕黎曉
鼓動萬指羅溝坑天雨助官政泣然淋衣纓人如鴨與
豬投泥相濺驚下馬荒堤上四顧但湖泓線路不容足

又與牛羊爭歸田雖賤辱豈失泥中行寄語故山友切
勿厭藜羹 後沙河在艮山門外壩子橋北 官塘河
在餘杭門外板橋西 蔡官人塘河在艮山門外九里
松塘姚斗門通河衛店湯鎮瀘山 施何村河在洞扣
山水澆堰東自運河入通裏外沙河 赤岸河在赤岸
自運河入通高塘橫塘諸河 方輿河在臨平錢東自
運河入通像光湖瀘山湯鎮

湖船

杭州左江右湖最爲奇特湖中大小船隻不下數百舫

夢梁錄卷十二

十三

有一千料者約長二十餘丈可容百人五百料者約長
十餘丈亦可容三五十人亦有二三百料者亦長數丈
可容三二十人皆精巧創造雕欄畫栱行如平地各有
其名曰百花十樣錦七寶箴金金獅子何船劣馬兒羅
船金勝黃船董船劉船其名甚多姑言一二更有賈秋
壑府車船船棚上無人撐駕但用車輪腳踏而行其速
如飛又有御舟安頓小湖園水次其船皆是精巧雕刻
創造俱用香楠木爲之只是周漢國公主遊翫曾一用
耳靈芝寺前水次有趙節齋所造湖舫名曰烏龍凡遇

撐駕卽風波大作坐者不安多不敢撐出以爲物湖
中南北搬載小船甚夥如撐船賣買羹湯時菓掇酒瓶
如青碧香思堂春宣賜小思龍游新煮酒俱有及供菜
蔬水果船撲時花帶朵糖獅兒諸色千千小段兒糖小
兒家事兒等船更有賣雞兒湖瀆海蜆螺頭及點茶供
茶果婆嫂船點花茶撥糊盆潑水棍小船漁莊岸小釣
魚船湖中有撒網鳴榔打魚船湖中有放生龜鼈螺蚌
船並是瓜皮船也又有小腳船專載賈客妓女荒鼓板
燒香婆嫂撲青器唱耍令纏曲及投壺打彈百藝等船

夢梁錄卷十二

十四

多不呼而自來須是出著發放支犒不被哂笑若四時
遊翫大小船隻僱價無虛日遇大雪亦有富家翫雪船
如二月八及寒食清明須先指揮船戶僱定船隻若此
日分舫船非二三百券不可僱賃至日雖小腳船亦無
空閒者船中動用器具不必帶往但指揮船主一周
備蓋早出登舟不勞爲力惟支犒錢耳更有豪家富宅
自造船隻遊嬉及貴官內侍多造採蓮船用青布幕撐
起容一二客坐裝飾尤其精緻

浙江乃通江渡海之津道且如海商之艦大小不等大者五千料可載五六百人中等二千料至一千料亦可載二三百人餘者謂之鑽風大小八櫓或六櫓每船可載百餘人此網魚買賣亦有名三板船不論此等船且論舶商之船自入海門便是海洋茫無畔岸其勢誠險蓋神龍怪蜃之所宅風雨晦冥時唯憑針盤而行乃火長掌之毫釐不敢差誤蓋一舟人命所繫也愚屢見大商賈人言此甚詳悉若欲船泛外國買賣則是泉州便可出洋迤邐過七洲洋舟中測水約有七十餘丈若經

夢梁錄卷十二

十五

崑崙沙漠蛇龍烏豬等洋神物多于此中行雨上畧起朶雲便見龍現全身目光如電爪角宛然獨不見尾耳頃刻大雨如注風浪掀天可畏尤甚但海洋近山礁則水淺撞礁必壞船全憑南針或有少差卽葬魚腹自古舟人云去怕七洲回怕崑崙亦深五十餘丈又論舟師觀海洋中日出日入則知陰陽驗雲氣則知風色順逆毫髮無差遠見浪花則知風自彼來見巨濤拍岸則知次日當起南風見電光則云夏風對閃如此之類畧無少差相水之清渾便知山之近遠太一之水碧黑如澱

有山之水碧而綠傍山之水渾而白矣有魚所聚必多
礁石蓋石中多藻苔則魚所依耳每月十四二十八日
謂之大等日分此兩日若風雨不當則知一旬之內多
有風雨凡測水之時必視其底知是何等沙泥所以知
近山有港若商賈止到台溫泉福買賣米嘗過七洲崑
崙等大洋若有出洋卽從泉州港口至岱嶼門便可放
洋過海泛往外國也其浙江船隻雖海艦多有往來則
嚴婺衢徽等船多嘗通津買賣往來謂之長船等隻如
杭城柴炭木植柑橘乾濕果子等物多產於此數州耳

夢梁錄卷十二

五

明越溫台海鮮魚蟹養腊等貨亦上渾通于江浙但往
來嚴婺衢徽州諸船下則易上則難蓋灘高水逆故也
江岸之船甚夥初非一色海舶大艦網艇大小船隻公
私浙江漁浦等渡船買賣客船皆泊于江岸蓋杭城衆
大之區客販最多兼仕宦往來皆聚于此耳

河舟

杭州裏河船隻皆是落腳頭船爲載往來士賈諸色等
人及搬載香貨雜色物件等又有大灘船係湖州市搬
載諸鋪米及跨浦橋柴炭下塘駁瓦灰泥等物及運鹽

袋船隻蓋水路皆便多用船隻如無水路以人力運之
向者汴京用車乘駕運物蓋杭城皆石版街道非泥沙
比車輪難行所以用舟隻及人力耳若士庶欲往蘇湖
常秀江淮等州多僱舸船舫船航船飛篷船等或宅舍
府第莊舍亦自創造船隻從便撐駕往來則無官府捉
掣差撥之患若州縣欲差船隻多給官錢和僱以應用
度杭城乃輦轂之地有上供米斛皆辦于浙右諸郡縣
隸司農寺所轄本寺所委官吏專率督催米斛解發朝
廷以應上供支用搬運自有綱船裝載綱頭管領所載
之船不下運千餘石或六七百石官司亦支耗券僱稍
船米與之到岸則有農寺排岸司掌拘卸檢察搜空又
有下塘等處及諸郡米客船隻多是鐵頭舟亦可載五
六百石者大小不同其老小悉居船中往來輿販耳寺
觀菴舍船隻皆用紅油舸灘大小船隻往來河中搬運
齋糧柴薪更有載垃圾糞土之船成羣搬運而去北新
橋外趙十四相公府側有殿前司紅坐船于水次管船
軍士專造紅醞在船和沽官司寬大並無捉捕之憂論
之杭城輻輳之地下塘官塘中塘三處船隻及航船魚

舟釣艇之類每日往返曾無虛日緣此是行都士貴官
員往來商賈買賣駢集公私船隻泊于城北者夥矣

夢梁錄卷十二

夢梁錄卷十二

文

